

किर्स्तुना बळयि पत्रु रासतदु पयाडा सीटि

इद सीटटुन रासवाल, किर्स्तुना बळयि पत्रु आंदोग. इद सीटटुन रासतस्के, ओग मुय्तोग आस मतोग; इद सीटि रासिसि मूंड वर्साने रोम सर्करतोर ओन हळकतोर. ओना मुनेता सीटटुन बोर विस्वसिरिहक रासिस मतोग, ओरिहके इद दुस्सा सीटटुन वने रासतोग.

पत्रु इद सीटटुन बाराहक रासतोग इतेके, विस्वसिर सेतेम पोल्लोतुन विस्वस कीसोर अनिर, येसु ओसो वायनदिना अग ऊळसोर मनिर, ओसो जोल पोल्लोड काःहवालोरगा बर्वस तासमाकिर इनजोर, इद सीटि रासतोग. अहे तना डोलतापया वने, विस्वसिर इद सीटटाड पोल्लोन सीता कीसोर मनिर, इनजोर वने रासतोग.

मुनेताड पोल्लोड

1 नना सिमोन पत्रुनन, येसु किर्स्तुना सेवकनन, ओना बळयिनन, ✨ मीट विस्वसिरिहक इद सीटि रासलाह आतन. माक पिसिह केवाल मावा देवुळि येसु किर्स्तु, ✨ बोनाये मोकम ऊळवा, मावा संगे सेतेमते ताकिहतोग. अदिहक ओनगडाहि, माट बळयिरिहक दोर्कतद विस्वसता बराबरेन, मीक वने दोर्कता.

2 मीट देवुळतुन ओसो मावा येसुसामिन निटम पुताहकु, ✨ देवुळता देव्या ओसो सुकमि, मियगा पका बोल्यासोर अनि. ✨

विस्वसता ताकमुळते बेर्ससोर अन्हट

3 देवुळि बेरा डीसाता मनाहकु, बेस गूनमता मनाहकु, माक तना मन्कलोर आयलाह केयता. ✨ माट तान निटम पुताहकु, ✨ माट तान्क विचर वातप पिसना इनजोर, माक सबे ईता. ✨ देवुळता बेरा लावतेनाहकु इव सबे दोर्कताड.

4 देवुळि बेरा डीसाता, बेस गूनमता मनाहकु, पका दाराता, पका बेरा बर्कत ईतन इनजोर, पोल्लो विळसता. ✨ इद बर्कत मीक दोर्कताहकु, देवुळतुन पुनवोरा लेहकान, मीट लालुस कीसि पूरा बूळेम आयवा, ✨ तना बेद्रम मन्हता, अद्रमलेहकाने

✨ **1:1 1:1** 1 पत्र 1:1 ✨ **1:1 1:1** तीतुस 2:13 ✨ **1:2 1:2** योहन 17:3; पिलिपितोर 3:8; 2 पत्र 1:8; 2:20; 3:18 ✨ **1:2 1:2** रोम सहरतोर 1:6-7; 1 पत्र 1:2 ✨ **1:3 1:3** 1 तिसलुनितोर 2:11-12; 2 तिसलुनितोर 2:14; 1 पत्र 5:10 ✨ **1:3 1:3** योहन 17:3; पिलिपितोर 3:8; 2 पत्र 1:8; 2:20 ✨ **1:3 1:3** 1:6 ✨ **1:4 1:4** 3:9,13 ✨ **1:4 1:4** याकुब 1:27; 2 पत्र 2:18-20

मीट वने आयना इनजोर, ✨ देवुळि अह कीता.

5 अद मीक इचोन कीसीताहकु, मीट वने बेस-नेहना पिसलाह बेचोन कीया पगयह्निर, अचोन कीम्हट्ट. किर्स्तुन विस्वस कीतिर; विस्वस कीसोर बेसता गूनमतोर वने मन्हट्ट. बेसता गूनमतोर मन्जि, देवुळता बुदतुन पुनजोर वने अन्हट्ट. ✨

6 ताना बुदतुन पुनजोर, कुदतुन आत्रे कीयलाह वने कगयाट्ट; ✨ आत्रे कीसि, तितपल्किन आपसोर मनदलाह वने कगयाट्ट; ✨ अद्रम मन्जि, देवुळतुन माळसोर ताकाट्ट. ✨

7 अद्रम ताकसोर, मीवा तोळतोर विस्वसिरा संगे गूनमते मनदलाह ऊळाट्ट; ✨ अद्रम मन्जि, सबेटोर मन्कलोरिन वने जीवा कीसोर अन्हट्ट.

8 इव पोल्लोड मीवा जीवातगा मन्जि, बेर्ससोर अतेक अचोन, मीट मावा येसुसामि किर्स्तुन पुनदनदु ✨ उगस अनो आयगा, मति मीट पकाय कबळतुहक ओजवालोरीर आयकिर. ✨

9 बोरगा बार इव पोल्लोड इलेड, ओर तमा जीवाते बेस तोववोरा लेहका आतोर. ✨ इतेके तमा मुने कीतद पापमतुन देवुळि एडिह कीतदिन ✨ माऱडतोर.

10 अदिनेनाहक मावोर विस्वसिरि, इव पोल्लोड मियगा मन्हताडा, इलेडा इन्जि प्हकिस ऊळाट्ट. देवुळि नितम मीक आचिसि, तना मन्कलोर आयलाह केयता इनजोर, ✨ मीट पकाय जिदते करल कीयलाह ऊळाट्ट. अद्रम मीट कीसोर मतिर इतेके, बेस्केन मीवा विस्वसते पेगके अरविर. ✨

11 अद्रम मतेके, मावा सामि, माक पिसिह केवाल येसु किर्स्तु, अमेसाता राजेम ताकिह कीयहपा, पकाय गिर्दा आसि, मीक बेस-नेहना उदिह कीयनोग. ✨

12 इंजेके मीक काऱहतद सेतेम कबुरतुन बेस पोस मन्जि, मीट ताकलाह आतिरे. ✨ तेला मति इव पोल्लोन मीक सीता कीसीयलाह, नना अमेसा तयर मनदकन. ✨

✨ **1:4 1:4** इपिसुसतोर 4:13,24; इब्रितोर 12:10; 1 योहन 3:2 ✨ **1:5 1:5** कुलुसितोर 2:1-3 ✨ **1:6 1:6** बळयिर 24:25; 2 तिमोति 1:7 ✨ **1:6 1:6** लुकाल 21:19; रोम सहरतोर 5:3; याकुब 1:3-4 ✨ **1:6 1:6** 1:3 ✨ **1:7 1:7** रोम सहरतोर 12:10; 1 पत्र 1:22 ✨ **1:8 1:8** योहन 17:3; पिलिपितोर 3:8; 2 पत्र 2:20 ✨ **1:8 1:8** कुलुसितोर 1:9-10 ✨ **1:9 1:9** 1 योहन 2:11 ✨ **1:9 1:9** इपिसुसतोर 5:26 ✨ **1:10 1:10** मत्याल 22:14; रोम सहरतोर 11:29; 1 तिसलुनितोर 1:4-5; 2 पत्र 1:3 ✨ **1:10 1:10** 3:17; यहूदाल 24 ✨ **1:11 1:11** 1 कुरिततोर 15:24; 2 तिमोति 4:18 ✨ **1:12 1:12** कुलुसितोर 1:3-5; 2 योहन 1-2 ✨ **1:12 1:12** पिलिपितोर 3:1

13 नना जीवात मनाहजोम, मीट इव पोल्लोन पोस मनदलाह, मीक सीता अर्हचोर उसर कीयनद* बेस ओपिहता इनजोर, विचर कीयलाह आतन.*

14 मावा येसुसामि किर्स्तु नाक पोळ्क्ने वेहतप लेहकान,* नना डोलनद वेला ओसोय एरेन एवता इनजोर पुतन.*

15 अदिनेनाहक नना हातापया वने, मीट इव पोल्लोन अमेसा सीता कीसोर मनदलाहि, पकाय जिदते कीकन इनजोर, विचर कीयलाह आतन.

पत्र तना ऊळतव पोल्लोन रासतोग

16 (इव पोल्लोन बाराहक सीता कीसोर मनदना इतेके,) मावा येसुसामि किर्स्तु तना लावते मयगा वातदिन, माट ओनाड बळयिरोम मीक वेहतोम.* वेहतस्के, पका सत्रल बुदते मन्कलोर पुटिह कीतव पीटोन केंजिस वेहोम;* आयो, ओना मिळ्स्कनद डीसातुन मावाड कोंडाने ऊळतोम.*

17 अद इद्रम मन्हता: बेरा डीसाता देवुळि तना लेडते, “वेग नावा मगि; नना वेन जीवा कीतन; वेन ऊळिस गिर्दा आतन” इनजोर, देवुळबाबाल ओन मान ईसि, बेरोग कीतोग. (कीतस्के माट अगा मतोम.)

18 देवुळ रेगतद मेटातगा माट येसु किर्स्तुना संगे मतोम अस्के, पोगोन देवुळता जागाताहि वातद इद लेडतुन, माट मावाड केक्कने केंजतोम.*

19 अदिनेनाहक देवुळता कबुरतोर वेहतव पोल्लोड निटम इनजोर, इंजेके बेस-नेहना पुतोम.* ओराड पोल्लोन केंजिस मीट ताकतिर इतेक, बेस आयगा; ईकळतगा चिमलि वेहच ईयना लेहकान, अव पोल्लोड मीक वेहच ईस्ताड. पडवियना लेहकान,* किर्स्तु ओसोवने वायनोग. विय उकाता लेहकान, ओग मीवा जीवातगा वेहच कीसीयनोग,* अस्के मीक सबे पोल्लोड तेळियनुड.* अद दिया एवनाह, अव पोल्लोन केंजिस ताकाट.

20 मुने मीट इद पोल्लोतुन पुनदना: देवुळता सास्त्रमतगा ताना कबुरतोर रासतव पोल्लोन, तमाय बुदते पुन्जि रासोर आंदुर.

21 ओरु मन्कना बुदते तानाड पोल्लोन पुटिह केवोर;* मति देवुळता जीवा ओरा

* 1:13 1:13 3:1 * 1:13 1:12-13 यहूदाल 5 * 1:14 1:14 योहन 13:36; 21:19 * 1:14 1:14 2 तिमोति 4:6 * 1:16 1:16 मार्कल 13:26; 14:62; 1 तिसलुनितोर 2:19 * 1:16 1:16 1 तिमोति 1:3-4 * 1:16 1:16 इद पोल्लोतुन पुनदलाह, मार्कल 9:2-8 ऊळट. * 1:18 1:16-18 मत्याल 17:1-8; मार्कल 9:2-8; लुकाल 9:28-36 * 1:19 1:19 1 पत्र 1:10-11 * 1:19 1:19 लुकाल 1:76-79 * 1:19 1:19 तोहचीतव पोल्लोड 22:16 * 1:19 1:19 2 कुरिततोर 4:6 * 1:21 1:21 यिर्मयाह 23:26

पोगोन उदतापयाने, अव पोल्लोन वेहतोर. ✧

2

जोल काऱहवालोर लोप्पा पत्र मुनेन वेहतह्तोग

1 मति देवुळता कबुर वेहवालोरम इनजोर, नाळेह केवालोर, मुने देवुळता मन्कलोर नडुम मंदुर. ✧ अद्रम इंजेके वने, जोल पोल्लोड काऱहवालोर मियगा मनदनुर. विस्वसतुन बूळे कीयनव जोल पोल्लोन, कुस्क्ने पोकर कीयनुर. ✧ आपुना जीवाता कर्सा ईस ओरिन असतोग ✧ माल्काना पोल्लो केंजवा ताकनुर. ✧ इद्रम कीसि, ओर कुद चट्टिपेटे गोसातगा अरयनुर.

2 वेल्लाटोर ओराडः केंजिसि, ओरा लेहका आसि, लजालेवा लाग्वाड कबस्क कीयनुर. ✧ अदिनेनाहक सेतेमता अगदा बदनम आयगा. ✧

3 जोल पोल्लोड काऱहवालोर कोताना लालुसतुहक, तमाय पुटिह कीतव पोल्लोन वेहतनुर. ✧ ओसो अविस्किन वेहचि, मीक नाळेह कीयनुर. ✧ ओरिन सिक्सा ईयनद देवुळि, वेल्लाय जोमताहि तयर मन्हता. अद ओरिन बूळे कीयगा; अद कूर्कसोर मनो. ✧

4 अद इद्रमिः पापम कीतव पोगोटाडः देवतुल्किन वने, देवुळि विळसो; अविस्किन गोल्स्कने दोहचि, देयमदीपते मनदनद ईकळ गंगाता सिक्सा-बोंदातगा वाटिसीता. ✧ वाटिसि तना नेयम कीयनद दियातेनाहक तासता.

5 अहे मुने मतद बूमतगा मतोरिन वने, अद विळसो; तन्क पास्कतोरिन बूळे कीयलाहि, उड्रातुन लोहचीता. ✧ मति देवुळता सेतेम अगदे ताकाट इनजोर, पोकर कीतोग नोहा मुय्तोन मात्रम, ओना एळवुर लोतोर सगे उड्राताहि पिसिह कीता. ✧

✧ **1:21 1:20-21** 2 शमूएल 23:2; बळयिर 1:16-17; 2 तिमोति 3:16; 1 पत्र 1:11
 ✧ **2:1 2:1** व्यवस्थाविवरण 13:1-5; यिर्मयाह 6:13 ✧ **2:1 2:1** 2 कुरिततोर 11:13;
 1 योहन 4:1; यहुदाल 3-4 ✧ **2:1 2:1** 1 कुरिततोर 6:18-20 ✧ **2:1 2:1** यहुदाल
 3-4 ✧ **2:2 2:2** पुटमुळि 19:5-9; 2 पत्र 2:7-8,18; यहुदाल 3-4,7 ✧ **2:2 2:2** रोम
 सहरतोर 2:24 ✧ **2:3 2:3** 1 तिमोति 6:5; 2 पत्र 2:14; यहुदाल 16 ✧ **2:3 2:3** रोम
 सहरतोर 16:18; 2 कुरिततोर 2:17; 1 तिसलुनितोर 2:5 ✧ **2:3 2:3** व्यवस्थाविवरण 32:35
 ✧ **2:4 2:4** यहुदाल 6; तोहचीतव पोल्लोड 20:1-3 ✧ **2:5 2:5** 3:6 ✧ **2:5 2:5**
 पुटमुळि 6:1—7:24; 1 पत्र 3:20

6 अद्रमे सोदोम-गोमोरा सहर्कने मतोरिन वने, अद विळसो; पूरा नेग आनाह, ओराड सहर्किन बूळे कीसीता, अद्रम ओरिन सिक्सा ईता.☆ ओसो तान पास्कवालोर् इद्रमे आस्तोर इनजोर, इद पोल्लो तोहतहता.☆

7-8 (सेतेमतोरिन बारा, देवुळि पिसिह कीयलाह पुन्हता. अदे सोदोम सहरतगा मतोग) लोट इनवाल, देवुळतुहक ओप्पनाह ताकतोग. अद सहरतोर लजालेवा लाग्वाड कबस्क कीदुर.☆ वेग सेतेमतोग लोट, ओरा नडुम मन्जि, दिनमे ओर कीयनव लाग्वाड कबस्किन ऊळिंदोग, केंजिंदोग. ऊळसोर, केंजसोर, ओग पका मेसेहने आसि, ओना जीवा मुर्तिय चुहेम आयो आंदु, अदिहक देवुळि अद सहरतुन बूळे कीयनामुने, ओन पिसिह कीता.☆

9 इव सबे पोल्लोन मीक बाराहकु सीता कीसीयहनन इतेके, सामि तन्क माळवालोरिन तिपलताहि बेद्रम विळिसह कीयना,☆ ओसो लाग्वोरिन सिक्सा ईयनासाटि, नेयम कीयनद दिया एवनाह बेद्रम तासना, इविस्किन पुन्हता इनजोर,☆ इव पोल्लोड तोहतहताड.

10 तमा मन्कना बुद वेहतपु, करबताड लालुस्कने ताकवालोरिन,☆ सामिना अदिकरतुन पास्कवालोरिन कोनि, पका सिक्सा ईस्ता.

जोल पोल्लोड काग्वालोर वेर मन्कलोर, बेदिहके बह रेयोर, पका कैगम आस्तोर; ओसो रेयवालेवा बेरा लावताड देयहकिन बाताडे आयोड इन्जि पास्किह्तोर*.☆

11 पोगोटाड देवतुल्क बारा, अव देयहकिहकाय एक्वा लावताड मन्जाय मति, सामिना मुनेह अविस्किन पास्कोड†.☆

12 मति वेर जोल काग्वालोर इतेके, तमा पुनवव पोल्लोना लोप्पा पास्किह्तोर. वेर विचर कीया पुनवव, बुदलेवव जन्वर्कना लेहकाडोर आंदुर.☆ इद्रमताड जन्वर्क

☆ **2:6 2:6** प्टमुळि 19:24; यह्दाल 7 ☆ **2:6 2:6** यशायाह 1:9; मत्याल 10:15; 11:23; ल्काल 10:12; रोम सहरतोर 9:29; इब्रितोर 4:11 ☆ **2:7-8 2:7-8** प्टमुळि 19:5-9; 2 पत्र 2:2,18; यह्दाल 3-4 ☆ **2:7-8 2:7-8** प्टमुळि 19:1-16,29 ☆ **2:9 2:9 1** कुरिततोर 10:13 ☆ **2:9 2:9** तोहचीतव पोल्लोड 3:10 ☆ **2:10 2:10** 3:3; यह्दाल 16,18

* **2:10 2:10** बेरा लावताड देयहकिन बाताडे आयोड इन्जि पास्किह्तोर “पोगोन मनदनव देवतुल्किन पास्किह्तोर” इद अर्तम वने आया पगयहता. ☆ **2:10 2:10** यह्दाल 8 † **2:11 2:11** अव देयहकिहकाय एक्वा लावताड मन्जाय मति, सामिना मुनेह अविस्किन पास्कोड “वेर मन्कलोरिहकाय एक्वा लावताड मन्जाय मति, सामिना मुनेह वेरिन पास्कोड” इद अर्तम वने आया पगयहता. ☆ **2:11 2:11** यह्दाल 9 ☆ **2:12 2:10-12** 2 तिमोति 3:2; यह्दाल 10

बेदे कबळतुहक अरवाहक, अविन पोस हक्कनाय ओजिहता. अद्रमलेहकाने देवुळि वेरिन बूळे कीयगा.

13 वेर लागवव कबस्क कीस्तोर, अविस्कना इसबते वेरिहक सिक्सा दोर्कगा. पियल-पोळद रिमाते मनदनदे, वेरिहक गिर्दा वास्ता. ✧ मीवा संगे कुळप तिनदहपा वने, वेर मीक नाळेह कीयलाह गिर्दा आस्तोर. ✧ अदिनेनाहक डागिललेहकान, माचलेहकान मीवा मुडगा लजा वानाह मन्हतोर.

14 वेरा नद्र साठ्याल बुदते निदिस मन्हता, पापम पोल्लोन पर्हकसोरिन मन्हता. विस्वसते मेगकवोरिन नाळेह कीसि, पापमतके ओस्तोर. ✧ लालुस आयनदिना लोप्पा कोनि, वेरे पका पुतोर. ✧ देवुळि वेरिन सिक्सा ईस्ताये. ✧

15 वेर सीदा दायनद अगदुन विळिसस लेसतोर. ✧ वेर मन्कलोर बहोर इनवाल मुयतोना मगि, बलामि इनवाना अगदुन पोयतोर. ✧ वेग बलामि इतेके, लागवद कबळताड कोतान जीवा कीस मतोग. ‡

16 मति ओना मूका गाळ्दि, मन्कना लेडते वळ्हकिसि, ओन तेर्हता; अह कीसि, ओग गूनयान बयतळ कबळ केवाह रोमिह कीसीता. ✧

17 वेर जोल पोल्लोड कागहवालोर वततव चुवाना लेहकाडोर; वळ्दे तेळिस दायनद मोयुलता लेहकाडोर, (इतेके मेसेहने केवालोर) आंदुर. § ✧ वेरनाहक देवुळि अमेसाता ईकळतुन तासता. ✧

18 वेर पोमाडेड पोल्लोड वळ्हकिहतोर, मति अव पोल्लोड बेदिहके अरवोड. ✧ अह वळ्हकिसि, वेर लजालेवा लाग्वाड कबस्कना मेटे, लेसतोर मन्कलोरगडाह पेसिसि, सेतेमता अगदे पूनाड-पूनाड वातोर मन्कलोरिन, ✧ मेंदुदाड

✧ **2:13 2:13** रोम सहरतोर 13:13; 1 तिसलुनितोर 5:7 ✧ **2:13 2:13** 1 कुरिततोर 11:20-21; याकुब 5:5; यहुदाल 12 ✧ **2:14 2:14** याकुब 1:8; 2 पत्र 2:18; 3:16

✧ **2:14 2:14** 2:3 ✧ **2:14 2:14** इपिसुसतोर 2:3 ✧ **2:15 2:15** बळयिर 13:10

✧ **2:15 2:15** गिनती 22:5,7; व्यवस्थाविवरण 23:4; नहेम्याल 13:2; यहुदाल 11; तोहचीतव पोल्लोड 2:14 ‡ **2:15 2:15** देवुळता मन्कलोरिन सरप ईम इनजोर, मोवब देसेमता राजाल बलाकि इनवाल, बलामिहक कोताड ईस मतोग. ✧ **2:16 2:16** गिनती 22:21,23,28,30-35

§ **2:17 2:17** बेव-बेव चुवाड आसा वानाह एग मतप दिसिहताड, मति लोप्पा वतिस मन्हताड. बेद-बेद मोयुलि पेग वायगा इनजोर, गिर्दा वानाह मन्हता, मति वळ्दे तेळिस दास्ता. वेर जोल कागहवालोर वने, अद्रमे पलतेनाह कर्तुळते मतप, देवुळता जीवाते निदिस मतप दिसिहतोर, मति वेर लोप्पा अद्रम इलेर. वेरगडाह मन्कलोरिहक बातय पायदा दोर्को. ✧ **2:17 2:17** यहुदाल 12 ✧ **2:17 2:17** यहुदाल 13

✧ **2:18 2:18** इपिसुसतोर 4:17; यहुदाल 16 ✧ **2:18 2:18** 1:4; 2:20

लालुस्कने एग्हिह कीस्तोर.✱

19 मीट बेदे अडोता कय इळन इलविर इनजोर, पूना विस्वसिरिन पोल्लो विळिसहतोर. पोल्लो विळिससाय मति, वेर तमाय बूळे कीयनव लालुस्कना कय इळन मन्हतोर. बाराहक इतेके, बोनाय बेद पोल्लो आत्रे कीस्ता, ओग ताना कय इळन मन्हतोगे.✱

20 वेर मन्कलора बेचोटा बेरा गोसा! मावा सामि, माक पिसिह केवाल येसु किर्स्तुन पुताहकु,✱ दुनियाताडः सबे रीतिना पापमताहि पिहट अरतोर.✱ अह आस तेला, ओसोवने अदे पापमता कय इळन अन्जि एकतोर इतेके,✱ मुने मतदिहकाय इंजेके एक्वा सिक्साता लायकतोर आतोर.✱

21-22 इतेके, वेर देवुळता सेतेम अगदुन पुनवा मन्ज मतेके, वेरिहक बेस ओप्पिस मनालि.✱“नयु तना ककतदिने नाकलाह मलयहता,✱ नोगतद पदि मल्स चिक्लातगाने दोळगलाह दास्ता,” अद्रमलेहकाने आतोर; वेर देवुळ तोहतद अगदुन पुन्ज मन्जि, अद पवित्र अगदुन विळिससि, (तमा पाळ्ना अगदुने ओसोवने पोयतोर).✱

3

सीटिड बाराहक लोहतन इन्जि पत्रु वेहतहतोग

1 नावा गोततोरिर! मीक लोहतदु इद नावा दुस्रा मल्काता सीटि आंदु; मीवा विचर सेतेम पोल्लोनके मनि इनजोर सीता कीसीयलाह, इव सीटिन लोहतन.✱

2 वेल्लाय मुने, देवुळता पवित्र कबुरतोर तानाडः पोल्लोन वेहतोर;✱ ओसो मावा पिसिह केवाल येसुसामि किर्स्तु ईतद उकुम, ओनाडः बळयिरा तोडटे मियगा वाता. इव मीट कऱयतव पोल्लोन सीता कीम्हटु इनजोर,✱ नना वेहतलाह आतन.✱

सामि ओसोवने वायनद दिया

✱ **2:18 2:18** 2:2,7-8,14; 3:17 ✱ **2:19 2:19** योहन 8:34; रोम सहरतोर 6:16
 ✱ **2:20 2:20** 1:2,3,8 ✱ **2:20 2:20** याकुब 1:27; 2 पत्रु 1:4; 2:18 ✱ **2:20 2:20** 2 तिमोति 2:4 ✱ **2:20 2:20** मत्याल 12:45; लूकाल 11:26 ✱ **2:21-22 2:20-22** इब्रितोर 10:26 ✱ **2:21-22 2:21-22** बुदताडः पोल्लोडः 26:11 ✱ **2:21-22 2:21-22** यहजेकेल 18:24; इब्रितोर 6:4-6; 10:26-27; याकुब 4:17 ✱ **3:1 3:1** 1:13
 ✱ **3:2 3:2** लूकाल 1:69-70; बळयिर 3:21; इपिसुसतोर 3:5-6 ✱ **3:2 3:1-2** यहूदाल 5
 ✱ **3:2 3:2** यहूदाल 17

3 मुने मीट इद पोल्लोतुन पुनदना गावले: आक्रिताड दियाने, आपुना लालुसते ताकवालोर वायनुर, ✨ ओर मीक कवयनुर, ✨ ओसो

4 इद्रम इनदनुर: “ओसोवने वायकन इनजोर, किर्स्तु पोल्लो विळिसस अतोग, ओग बेगाडोग? ✨ मावाड तादोर-बाबोर वने डोलतोर! अस्केडाहि बाताले बद्रु लेम आयो! देवुळि बूमतुन पुटिह कीतस्के सबेटव बेद्रु मताड, अद्रमलेहकाने इंजेक वने मन्हाताड,” इनदनुर.

5 ओर उंद पोल्लोतुन पुन्जाय मति, तान सीता केवोर. अद इद्रमि: सुस्मुने पोगोटा बूमि, देवुळ इतद पोल्लोतेन पुटटा. ओसो देवुळ वळ्हकिसिये, इळता बूमतुन एग मतगडाहि पुटिह कीता, अह कीसि वततद बूमतुन, एतगडाहि एगिह कीता. ✨

6 अहे देवुळ तना पोल्लोतेन अस्के मतद बूमतुन, एतगान मुळहता ओसो बूळे कीता. ✨

7 मति इंजेक मनदनद पोगोटा बूमतुन, ओसो इळता बूमतुन, किसते बूळे कीयलाहि, तना इतद पोल्लोतेने तासता. ✨ तानाड केंजवोरिन नेयम कीसि, ओरिन बूळे कीयनद दिया एवनाह अविस्किन तासता. ✨

8 नावा गोततोरिर! उंद पोल्लोतुन मात्रम सीता कीम्हटु: देवुळतुहक उंद दिया इतेके, अजर वर्साना लेहकान; ओसो अजर वर्साड उंद दियाता लेहकान मन्हाताड. ✨

9 सामि तना पोल्लो विळिसस मतदिन केवालेवा, आल्सेम कीयलाह आता इनजोर, उच्चुर मन्कलोर विचर कीस्तोर. ✨ मति अद्रु आयो; ✨ बोगे बूळेम आयनद आयो इन्जि, देवुळता विचर मन्हाता. सबेटोर मन्कलोरिहक पापमता अगदाहि जर मलयलाह, मोका दोर्कि इनजोर, अद मियेनाहक आपसोर केपिहता. ✨

पोगोटा बूमि ओसो इळता बूमि पूना आयगा

10 मति मन्कलोरिहक एर्का लेवस्के, कले वायना लेहकान, सामि ओसोवने वायनद दिया वायगा. ✨ अस्के पोगोटा बूमि पका नेकसोर मायगा, अगा मनदनव

✨ 3:3 3:3 2:10 ✨ 3:3 3:3 1 तिमोति 4:1; यहूदाल 18 ✨ 3:4 3:4 यशायाह 5:19; यिर्मयाह 17:15; यहजेकले 12:22,27; मत्याल 24:48 ✨ 3:5 3:5 पुटमुळि 1:2,6-10; देवुळताड पाटाड 24:2; 136:6; इब्रितोर 11:3 ✨ 3:6 3:6 पुटमुळि 7:10-24; 2 पत्र 2:5 ✨ 3:7 3:7 3:10,11-12 ✨ 3:7 3:7 यशायाह 66:15; 2 तिसलुनितोर 1:8; इब्रितोर 12:29; यहूदाल 7 ✨ 3:8 3:8 देवुळताड पाटाड 90:4 ✨ 3:9 3:9 1:4 ✨ 3:9 3:9 हबक्कूक 2:3; रोम सहरतोर 13:11; इब्रितोर 10:37 ✨ 3:9 3:9 रोम सहरतोर 2:4; 1 तिमोति 2:3-4; तोहचीतव पोल्लोड 2:21 ✨ 3:10 3:10 मत्याल 24:43-44; लूकाल 12:39-40; 1 तिसलुनितोर 5:1-2; तोहचीतव पोल्लोड 3:3; 16:15-16

सबेटव कर्विसि बूळेम आयनुड. ✧ इळ्ता बूमि, ओसो तानगा कीतव सबे कबस्क पड्ने आयनुड. ✧

11-12 इंगो, निटमे देवुळि निल्पिह कीतद दियाते पोगोटा बूमि किसते बूळेम आयगा; अगा मनदनव सबेटव दगाडातुहक कारियनुड. ✧ इव सबे आयनुड इन्जि पुह्निर इतेके, अद दियाता अग ऊळसोर, पवित्रते ताकना गावले. ✧ अमेसा मीट देवुळता विचर मतप लेहका कीयना गावले. अद्रम ताकतेके, मीटु अद दिया चट्पिट एवनाह कीकिर. ✧

13 मति देवुळि पोल्लो विळसतपु, पूना पोगोटा बूमि ओसो इळ्ता बूमि तयर आस्ता इनजोर, माट अग ऊळिहनल. ✧ अगा मनवालोर सबेटोर सेतेमेतेन ताकनुर. ✧

14 नावा गोततोरिर! इव पोल्लोड आयनुड इनजोर, मीट अग ऊळलाह आतिर. अग ऊळसोर, पापमता डागिललेवा, कसुरलेवा मन्जि, ✧ नावा संगे कलियिस मतोर इनजोर, देवुळ इनाह पिससोर मन्हटु. ✧

15 देवुळि मियेनाहक आपिस केपिहता, इदिनु पिसमुळ दोर्किह कीयलाह, मीक अग ईता इनजोर पुन्हटु. ✧ इदे पोल्लोटुन, माट जीवा कीतोग, मावा तोळतोग पोल् वने, देवुळि ओन्क ईतद बुदते मीक रासतोग. ✧

16 तनाडु सबे सीटिने, इदे पोल्लोटुन रासिह्तोग. ओनाडु सीटिने उचुक पोल्लोड पुनदा पगवप मुस्किल मन्हताड. ✧ तेळियवोर ओसो कमजोर विस्वसतोर मन्कलोर, ✧ अव पोल्लोना अर्तमतुन मिळहच मन्ज वेहतहतोर. सास्त्रमताड दुसाड पोल्लोन वने, अहे कीस्तोर. इद्रम कीसि, ओर तमाय जीवातुन बूळे कीस्तोर.

17 नावा गोततोरिर! मीट इव पोल्लोन मुनेन पुतिर, अदिनेनाहक उसरते मन्हटु. अद्रम मनवेके, मीट मीवा विस्वसताहि पेगके अर्सि, ✧ देवुळताड केंजवोरा नाळेमते एग्विसि, लेसकिर बहा! ✧

✧ **3:10 3:10** यशायाह 24:19; 34:4; मीका 1:4; मत्याल 24:35; 2 पत्र 3:7,11-12; तोहचीतव पोल्लोड 6:14; 21:1 ✧ **3:10 3:10** इब्रितोर 12:27 ✧ **3:11-12 3:11-12** यशायाह 24:19; 34:4; मीका 1:4; 2 पत्र 3:7,10 ✧ **3:11-12 3:11-12 1** कुरिततोर 1:5-7 ✧ **3:11-12 3:11-12** यहुदाल 21 ✧ **3:13 3:13** यशायाह 65:17; 66:22; रोम सहरतोर 8:19-21; 2 पत्र 1:4 ✧ **3:13 3:13** यशायाह 60:21; तोहचीतव पोल्लोड 21:27 ✧ **3:14 3:14** पित्तिपितोर 2:15; याकुब 1:27 ✧ **3:14 3:14 1** तिसलुनितोर 5:23; 1 योहन 3:3 ✧ **3:15 3:15** रोम सहरतोर 2:4 ✧ **3:15 3:15 1** कुरिततोर 3:10; इपिसुसतोर 3:3 ✧ **3:16 3:16** इब्रितोर 5:11 ✧ **3:16 3:16 2:14** ✧ **3:17 3:17** तोहचीतव पोल्लोड 2:5 ✧ **3:17 3:17 1** कुरिततोर 10:12; गलातितोर 5:4; 2 पत्र 1:10; 2:18

18 अद्रम आयवा, माक पिसिह केवाल मावा किर्स्तु येसुसामिना देय्वाते ओसो बुदते, बेस बेर्ससोर अन्हटु. ☆ इंजेक वने, अमेसा-अमेसातुहक वने, ओने मन्कलोर मान ईसि मोळ्किर! आमैन. ☆

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458